



Շ. ՄԱՆՈՒԶԱՐՅԱՆՑ

Աշխատանքը
ՎԼԱԴԻՄԻՐ ԻԼՅԻՉԻ
Գրադարանում



Շ. ՄԱՆՈՒԶԱՐՅԱՆՑ

3K26

Մ 28

Լրաց.

02

Աշխատանքը
ՎԱԴԻՄԻՐ ԻԼՅԻՉԻ
Գրադարանում

A 3700

Հանրապետական գրադարանի կենտրոնական գրադարան

ԵՐԵՎԱՆ — 1960



3400
II
A.

Ш. М. МАПУЧАРЬЯՆԸ

**РАБОТА В БИБЛИОТЕКЕ
ВЛАДИМИРА ИЛЬИЧА**

(На армянском языке)

Армянское государственное издательство
(Айпетрат), Ереван, 1960.

Առաջին անգամ ևս վիթխարի հուղմունքով գնացի Վլադիմիր Իլյիչի հետ պայմանավորվելու: Դա 1920 թվականի մարտի 14-ին էր, ցերեկվա ժամը 4-ին: Վ. Վ. Վորովսկին, որը ինձ երաշխավորել էր, այդ օրը մի քանի անգամ ասաց.

— Զուշանաք, Վլադիմիր Իլյիչը շատ ճշտապահ է և սիրում է ճշգրտություն:

Վլադիմիր Իլյիչը ինձ ընդունեց Ժողկոմսովետի նիստերի դահլիճում: Բարեկց, հարցրից.

— Դո՞ւք եք գրադարանավարուհին:

— Այո՛:

— Նստեցե՛ք: Դուք մասնագետ եք:

— Ո՛չ, գրադարանային կուրսեր չեմ ավարտել, բայց գիրքը գիտեմ:

— Դուք կարո՞ղ եք ինձ համար ճարել անհրաժեշտ գրականություն և հետեւել նորերին:

Սա պրան պատասխանեցի.

— Կարծում եմ, որ կարող եմ, համենայն դեպս կաշխատեմ:

Վերջացնելով խոսակցությունը, Վլադիմիր Իլյիչը ինձ առաջարկեց ծանոթանալ իր գրադարանի հետ և ձեռնամուխ լինել աշխատանքի:

Նրր ևս առաջին անգամ մտա Վլադիմիր Իլյիչի աշխատասենյակը, ապշել էի կահավորման պարզությունից և պահարաններում գտնվող գրքերի ոչ-մեծ քանակությունից: Ինձ թվում էր, թե Ժողկոմսովետի նախագահի գրադարանը

պետք է ունենար բազմահազար զորքեր: Հետո, աշխատանքի պրոցեսում, հասկացա, որ դա այդպես չէ. Վլադիմիր Իլյիչը իր աշխատասենյակում թողնում էր միայն աշխատանքի ու տեղեկանքների համար ամենաանհրաժեշտ զորքերը և շփանրաբեռնելով իր գրադարանը, խնդրում էր մնացած զորքերն ուղարկել մյուս գրադարանները, որտեղ գրաֆիչը կարող էին օգտվել հարյուրավոր մարդիկ:

Հաջորդ օրը Վլադիմիր Իլյիչը խնդրեց ոչ մի գիրք տեղից չշարժել, ասելով, որ ինքը սովորել է այդ դասավորմանը: Ես խնդրեցի ինձ թույլ տալ գոնե գեղարվեստական գրականութունը անջատել քաղաքականից:

— Դա կարելի է, — ասաց Վլադիմիր Իլյիչը: Բայց խնդրեց գրասեղանի աջ կողմում դրված պտտվող գրադարակին, այնուամենայնիվ, ձեռք չտալ:

Գեղարվեստական գրականութունն առանձնացնելուց հետո ես վախենում էի ձեռք տալ մյուս զորքերին: Մի անգամ, երբ Վլադիմիր Իլյիչը նկավ առանձնասենյակում աշխատելու, ես նրան ասացի.

— Վլադիմիր Իլյիչ, ես անելիք չունեմ:

Նա թղթերի վրայից գլուխը բարձրացրեց, ժպտալիս և ասաց.

— Դե գնացե՛ք տուն հանգստանալու:

Ես պատասխանեցի.

— Ես ուզում եմ ոչ թե տվյալ պահի համար, այլ՝ ընդհանրապես, բանի որ դուք թույլ չեք տալիս գրքերին ձեռք տալ:

— Գրքերի հետ ինչ ուզում եք արեք, բայց պտտվող գրադարակին ձեռք մի՛ տաք:

Վերջ ի վերջո նա ինքը խնդրեց դասավորել այդ պտտվող դարակը և այն լրացնել տեղեկատու գրականությամբ:

Այդ պտտվող գրադարակում, որն այնպես պահպանում էր Վլադիմիր Իլյիչը, կար հետևյալ տեղեկատու գրականութուն՝ բազմապիսի բառարաններ, պարոփական և սովետական համագումարների, ՀամկԳԿ-ի սեսիաների, Կոմին-

տներն, կոնգրեսների արձանագրություններ, որոշումներ և բանաձևեր, բաղմապիսի վիճակագրական տեղեկատուներ, կառավարության օրինագրությունների և կարգադրությունների ժողովածու, մի խոսքով՝ այն ամենը, ինչ կարող էր Վլադիմիր Իլյիչին պետք գալ իր աշխատանքի յուրաքանչյուր պահին:

Ահա Վլադիմիր Իլյիչից ստացած առաջին հրկտողը.

«Բ Ե ա դ ա ր ա ն ա վ ա ր ո ն ու ն

Ձի՝ կարելի արդյոք

1) յուրաքանչյուր ժողովմանից լուր հրատարակութունները հավաքել առանձին թղթապանակում կամ ըստ գրադարակների:

2) նմանապես, ՌԿՊ Կենտկոմի և տեղական պարտիկոմիտեները հրատարակութունները»:

Վլադիմիր Իլյիչի աշխատասենյակում կային կլասիկ արձակագիրների երկերի ժողովածուներ, հանրագիտական բառարաններ, արտասահմանյան գրականութուն, Մարքսի, էնգելսի ու լենինի բրոշյուրները և այլ գրքեր: Մի հատուկ գրադարակում հավաքվում էին ընթացիկ թերթերը, որոնք ըստ ամիսների կազմվում, կոմպլեկտավորվում էին և նույնպես պահվում աշխատասենյակում:

Իմ աշխատանքի սկզբում Վլադիմիր Իլյիչը խնդրեց իր համար հավաքել Մարքսի, էնգելսի բոլոր բրոշյուրները և հարմարության համար հիշյալ հեղինակների բոլոր մանր բրոշյուրները միասին կազմել: Այսպես, օրինակ՝ կազմվեց Կ. Մարքսի և Ֆ. էնգելսի «Կոմունիստական պարտիայի մանիֆեստը», որի լավագույն թարգմանությունները Վլադիմիր Իլյիչը համարում էր Պլեխանովի (մենյան հրատարակութուն) և Պ. Օռլովսկու թարգմանությունները, կազմվեցին նաև լենինի 1905—1917 թվականների բրոշյուրները: Ես Վլադիմիր Իլյիչին առաջարկեցի, թե լավ է ձեռք բերել Մարքսի և էնգելսի «Զհրատարակված հոդվածները» (1852, 1853, 1854 թվականներ), «Պատերազմը և ռևոլյուցիան»

(1-ին պրակը): նա խնդրեց գտնել և լրացում մտցրեց իր «Մարքսիզմի բիրլիոգրաֆիա» հոդվածում (Մարքսի մասին գրած հոդվածի հավելվածը: Գրանաստի հանրագիտական բառարան, հատ. 28, էջ 244):

Լենինը մեծ ուշադրություն էր դարձնում Մարքսի և էնգելսի նամակների հրատարակմանը: Մի անգամ նա պահանջեց Մարքսի նամակները Կուզելմանին՝ իր առաջաբանով:

Իր ամբողջ զրադվածությունամբ հանդերձ, Վլադիմիր Իլյիչը ժամանակ էր գտնում աչքի անցկացնելու այն բոլոր հրատարակությունները, որ նա ստանում էր, իսկ նա խիստ շատ էր ստանում. ոչ միայն այն, ինչ լույս էր տեսնում Ռուսաստանում, այլև մեծ քանակությամբ արտասահմանյան գրականություն, ժուռնալներ ու թերթեր՝ ռուսերեն և օտար լեզուներով:

Վլադիմիր Իլյիչը հասցնում էր գրքեր նայել ո՛չ միայն աղատ ժամանակ, այլև նիստերին: Սովորաբար ժողովրդական Կոմիսարների Սովետի կամ Աշխատանքի և Պաշտպանության նորհրդի նիստերից առաջ, ունենալով 5—6 բուլակ աղատ ժամանակ, նա հարցնում էր. «Ի՞նչ նոր բան կա»: Աչքի անցկացնելով նոր հրատարակությունները, դրանք իր հետ նիստի էր տանում, իսկ նիստը վերջանալուց հետո որոշ գրքեր վերադարձնում էր աշխատիս նշումներով՝ առանձին պահել աշխատասենյակում կամ լրացուցիչ գրադարանում:

Վլադիմիր Իլյիչը շատ էր սիրում բառարաններ և դրանցից ուներ մեծ քանակությամբ: Մի անգամ ևս առաջադիցի ձևոք բերել նոր հանրագիտական բառարանը: Վլադիմիր Իլյիչը, որ այդ ժամանակ զիրք էր թերթում, հարցրեց.

— Իսկ դուք ստույգ գիտե՞ք, որ աշխատի հրատարակություն կա:

— Իհարկև:

— Դե՛, ձեռք բերեցե՛ք:

Վլադիմիր Իլյիչի խնդրանքով նրան ուղարկեցին ուկրաիններեն մի բառարան:

Մեջ եմ բերում ես երկու երկառղ.

«Խնդրում եմ ինձ համար գտնել բ ու լ ղ ա ր ա - ո ու ու -
ր ե ն բ առարան»:

Շեղարանավարուն

Խնդրում եմ ինձ համար գտնել և կազմել ի տ ա լ ա -
ո ու ու ե ն ն բ առարանը:

De Bubo. Одесса. 1894»:

Մի քանի օրից հետո խառա-սուսերեն բառարանը
կազմվեց և զրվեց պատովող գրադարակը: Երբ ես այդ մասին
հայտնեցի Վլադիմիր Իլյիչին, նա, ծիծաղելով, ասաց.

— Արդեն արված է: Այդպես արա՛դ: Մերսի: Ափսոս,
որ ժամանակը չի բավարարում խառերեն կարգալու հա-
մար:

Վլադիմիր Իլյիչը սովորաբար իր հանձնարարություն-
ները տալիս էր բանավոր կամ, եթե ես այդ պահին չէի
լինում, երկառղ էր գրում:

Երբ ես Վլադիմիր Իլյիչին առաջարկեցի ձեռք բերել
Ջերնիշևսկու երկերի ժողովածուն և կազմել, նա համաձա-
նեց և խնդրեց կազմել նաև Գերցենի երկերի ժողովածուն,
որ իր մաս կար: Նա հաճախ վրդովվում էր գրքերի բոռչու-
րավորումից. «Ծալում ես թե չէ՝ ամբողջովին ցրիվ է դա-
լիս», — վրդովվում դրանց հրատարակությունից, նյու-
թերի ընտրությունից. բայց եթե ձեռքն էին ընկնում լավ
հրատարակված գրքեր, նա անկեղծորեն ուրախանում էր և
նշում այդ բանը:

Այնպիսի ժուռնալներ, ինչպես «Եվենդելնիկ Պրավդի»,
«Վլաստ Սովետով», «ՀԱՄԿ-ի տեղեկագիր», «ԱԳժԿ-ի տե-
ղեկագիր», «Վոյա Տրուդա» և այլն, Վլադիմիր Իլյիչը խոնդ-
րում էր հավաքել և կոմպլեկտներով կազմել: Այդ բնույթի
խնդրանքներ նա սովորաբար գրում էր ժուռնալների վրա,
օրինակ՝ «հավաքել եմ կոմպլեկտ իմ գրադարանի համար»,
կամ՝ «կոմպլեկտ հավաքել», «կազմել», «ընթացիկ X-XI-ը՝
թղթապանակի մեջ»:

Երբեմն Վլադիմիր Իլյիչը խնդրում էր իր համար գրտնել ինչ-որ գիրք, թերթ կամ ժուռնալ, որոնց մասին նշած էր լինում ընկերներից տրևէ մեկը:

Ա. Մ. Գորկուն ընդունելուց հետո ինձ հանձնեցին այսպիսի մի երկտող.

«Խնդրում եմ գտնել (կոմպլեկտով)

Ռաբոչի Կրայը

Իվ.-Վոզնեսենսկում:

(Ի ս կ ա կ ա ճ պրոլետարական բանաստեղծների խմբակը)

Գտնում է Գորկին $\left\{ \begin{array}{l} Ժիլին¹ \\ Արտամոնով \\ Սեմյոնովսկի»:$

Նրա խնդրանքները ամենատարբեր բնույթի էին լինում: Այսպես, օրինակ, 1920 թվականի նոյեմբերի 30-ին նա գրում է.

«Խնդրում եմ ինձ համար գտնել՝

Անտոնինո Լաբրիովի

1) «Պատմական մատերիալիզմ»-ը:

2) Փիլիսոփայության մասին:

Ռուսերեն և ֆրանսերեն»

Ահա մի բանի երկտող ես.

«Խնդրում եմ ինձ համար գտնել հետևյալ գիրքը.

Պ ա ր գ ե ա տ ր մ ա ն ս ի ս տ ե մ ն ե ր ը մ ե տ ա ղ ա -
գ ու ծ ա կ. ա ր ղ յ ու ճ ա բ ե ր ու թ յ ու ճ ու մ :

Հոլցմանի առաջաբանով: Հրատ. Մետաղագործների
կենտկոմի, 1919., 87 էջ»:

¹ Հստ երևույթին, գրավրիպակ է: Եղել է բանաստեղծ Ի. Ժիլին. — Խմբ.

խնդրում եմ ինձ համար գտնել Հեգելի
մուսական թարգմանությունները

1) Տրամաբանություն

2) Ֆենոմենոլոգիա

Հրատ. Պատմա-փիլիսոփայական

Ընկերության, Ռադլովի խմբ.։

«Խնդրում եմ ինձ համար գտնել հետևյալ գերմաներեն
գիրքը։

Օտտո Բաուեր. «Տնտեսական քաղաքականության նոր կուր-
սը Սովետական Ռուսաստանում»։

25/IV Հենինս։

Շատ ցավալի և տհաճ էր լինում, երբ ինչ-որ պատճա-
ռով հնարավոր չէր լինում ժամանակին գտնել Վլադիմիր
Իլյիչի խնդրած գիրքը, իսկ դա երբեմն պատահում էր։ Մի
անգամ ընկերներից մեկը Վլադիմիր Իլյիչի համար բերել
էր երկու ժուռնալ՝ «էկոնոմիստ» և «Նովայա Ռոսիա»։ Վլա-
դիմիր Իլյիչը դրանք ինձ ցույց տվեց (ես այդ պահին մտիչ
էի նիստերի դահլիճը) և ասաց.

— Իսկ ես այս շեմ ստացել։

Ես շատ շփոթվեցի.

— Մեղավոր եմ, շեմ հետևել։

Վլադիմիր Իլյիչը պատասխանեց.

— Ո՛չ թե դուր, այլ նա, ով ինձ ժամանակին պետք է
դրականություն ուղարկի։

Վլադիմիր Իլյիչը հաճախ խնդրում էր հսկել, թե ինքը
ինչ գրքեր է տուն տանում, և հետևել դրանց աշխատա-
սենյակ վերադարձնելուն։ Ի՞նչ ընկերներից որեւէ մեկը Վլա-
դիմիր Իլյիչից գիրք էր խնդրում, նա այդ ընկերներին ու-
ղարկում էր ինձ մոտ՝ միաժամանակ ասելով. «Իմ դրադա-
րանավարուհին խիստ է», իսկ եթե որեւէ մեկին գրքեր էր

տալիս, ապա խնդրում էր երկտող թողնել ինձ հանձնելու համար:

Էսիտների դատավարության ժամանակ մի ընկեր Վլադիմիր Իլյիչի գրադարանից խնդրեց մի քանի գիրք: Այդ գրքերը պատրաստեցի և, երբ Վլադիմիր Իլյիչը նկատ աշխատասենյակ, նրանից թույլտվություն խնդրեցի դրանք այդ ընկերոջը տալու համար, նախազգուշացնելով, որ Դենիկինի գրքերը՝ «Ռուսական խուլություն ուրվագծեր», հատոր 1-ին, պրակ. I և II, պարունակում են Վլադիմիր Իլյիչի նշումները: Դրան Վլադիմիր Իլյիչը պատասխանեց. «Կարելի է: Ոչինչ, Զէ՛ որ նա դրանք վերադարձնելու է»: Դենիկինի գրքի վրա լենինը տալիս է գրքի գնահատականը. «Հեղինակը դասակարգային պայքարին մոտենում է կույր ռոթոթի նման»:

Վլադիմիր Իլյիչը գրքերի վրա կատարում էր տարբեր և բնորոշ նշումներ: Օրինակ՝ «Լենին», «Լենինի օրինակը», «Լենինի սեղանին», «Վերադարձնել, Լենինի օրինակն է», «Իմ գրադարանին», «Պահելի գրադարակի վրա», «Պահել գաղտնի»: «Էնգելսի քաղաքական կտակը» ժողովածուի վրա Լենինը գրում է. «Պահել գրադարակի վրա: 30/IX—1922 թ., Լենին»:

Ռուսաստանի էլեկտրիֆիկացիայի Պետական Հանձնաժողովի 1920 թվականի № 5 տեղեկագիրն ուղարկելով ընկեր Կրժիժանովսկուն, Վլադիմիր Իլյիչը գրում է. «Զլ. Մ., խնդրում եմ 20—21-ին կարդացեք և մի քանի խոսքի հետ ինձ վերադարձրե՛ք: Զեր՝ Լենին»:

1921 թվականի մարտի 9-ին, Ռկ(բ)Պ X համագումարում, Ռկ(բ)Պ Կենտկոմի հաշվետվության առթիվ ասած եզրափակման խոսքում քաղվածք էր բերել Ա. Կոռնտայի «Բանվորական օպոդիցիա» բրուշուրից՝

Կարդալով Ա. Տոդորսկու «Մի տարի հրացանով և գութանով» գրքույկը, իմ հրատարակվել էր Տվերի նահանգի Վեսինգոնսկ քաղաքում, Վլադիմիր Իլյիչը մեծ գովասանքով էր արտահայտվում դրա մասին և XI համագումար-

՝ ՏԷ՝ս Վ. Ի. Լենին, Երկեր, հատ. 32, էջ 232.—Խմբ.:

յում Պարսիայի կենտրոնական Կոմիտեի իր քաղաքական հաշվետվության՝ մեջ մեջրերում է արել զրանից:

Աչքի անցկացնելով Բեռլինում հրատարակվող «Ռուսկայա Կնիդա» քննադատական-քիթիողրաֆիական ժուռնալը, Վլադիմիր Իլյիշը հաճախ դրա շապիկի վրա նշումներ էր անում՝ խնդրելով ձեռք բերել արատահամայան այս կամ այն հրատարակությունը: Վլադիմիր Իլյիշի խնդրանքով Հնդկաստանի վերաբերյալ գրքեր էին գուրս գրում:

Մի անգամ Վլադիմիր Իլյիշը պահանջեց երկու գիրք, որոնցից մեկը Նաժդիլնի հիշողություններն էին Տոլստոյի մասին: Իմ պահանջադրին պատասխանեցին, որ այդ գիրքը չկա, այլ կա «Տոլստոյի օրագիրը»: Դրա առթիվ Վլադիմիր Իլյիշը ինձ գրում է.

«Ընկ. Մանուշարյանց:

Ձի՛ կարելի արդյոք ստուգել:

«Տոլստոյի օրագիրը» ինձ հարկավոր չէ, ինձ հարկավոր են Ն ա ժ ի վ ի ն ի հ ի շ ող ու յ ու ն ֆ ի լ ր Տոլստոյի մասին, որը լույս է տեսել գ ե Ր օ ա ն ի լ ե ն «Tolstois Denkwürdigkeiten»:

5/XII Լենին:

Երկրորդ պատվող դրադարակին, որը գտնվում էր գրասենյանի ձախ կողմում, հավաքվում էր այն հարցերի մասին եղած ամբողջ գրականությունը, որոնց վրա Վլադիմիր Իլյիշը տվյալ պահին աշխատում էր, այն է՝ էլեկտրիֆիկացիայի մասին, արհմիութենական դիսկուսիայի մասին և այլն:

Իր յուրաքանչյուր ելույթին Վլադիմիր Իլյիշը ուշի-ուշով պատրաստվում էր, նյութեր և բաղվածքներ հավաքում: Պետք էր հետևել միայն այն բանին, որ նրան անհրաժեշտ ամբողջ գրականությունը լիներ նրա ձեռքի տակ: Արագորեն թերթերով գիրքեր, նա արդեն դիտեր՝ դա իրեն որեւէ բան կտա՞, թե՞ ոչ:

¹ Տե՛ս Վ. Ի. Լենին, Երկեր, հատ. 33, էջ 341—342.—Խմբ.:

1922 թվականի մայիսի 17-ին Վլադիմիր Իլյիչը ըստացա հետևյալ երկտողը.

«Խնդրում եմ Սոցիալիստական Ակադեմիայից ինձ համար գտնել կից ցուցակում կապույտ մատիտով նշված գրքերը:

Վ. Ուլյանով (Լենին):

Ք. Տ. Իսկ Լթե կա, ապա նաև այդ հարցի վերաբերյալ գրքերի ցուցակը:

Լենին:

Ըստ երևույթին, Վլադիմիր Իլյիչը պատրաստվում էր գրելու աշխատանքի գիտական կազմակերպման վերաբերյալ աշխատություն: Նրա խնդրանքով այդ հարցի վերաբերյալ գրքեր ջոկեցի նրա գրադարանից, ինչպես նաև կադմեցի այն գրքերի ցուցակը, որոնք կային ԱՊԽ-ի գրադարանում: Բացի դրանից, նա խնդրեց այդ նույն հարցի վերաբերյալ գրքերի ցուցակ պահանջել Աշխատանքի ինստիտուտից: Սոցիալիստական Ակադեմիայից բերված գրքերը Վլադիմիր Իլյիչը խնդրեց թողնել իր աշխատասենյակում:

Այդ հանձնարարությունները տալուց հետո նա գնաց Գորկի և խնդրեց իր աշխատասենյակից ավտոմատով գնագահարել իրեն ու հայտնել այն, ինչ որ արված կլինի: Բայց դրանից շատ չանցած՝ Վլադիմիր Իլյիչը հիվանդացավ և Մոսկվա վերադարձավ միայն աշնանը, 1922 թվականի հոկտեմբերի 2-ին: Այդ ժամանակվա ընթացքում արդեն ես նրա համար ամբողջ գրականությունը պատրաստել գրել էի իր բնակարանի կողքին գտնվող լրացուցիչ գրադարանը: Գորկիից վերադառնալուց հետո Վլադիմիր Իլյիչը մի երկու անգամ հկավ այդ գրադարանը, աչքի անցկացրեց գրքերը և խնդրեց դրանք չհավաքել: Բայց Վլադիմիր Իլյիչին արդեն էլ չհաջողվեց այդ աշխատությունը գրել:

Երբ 1922 թվականի նոյեմբերին Վլադիմիր Իլյիչը պատրաստվում էր Ելույթի Կոմիտեներին IV կոնգրեսում, պահանջեց Կոմիտեներին III կոնգրեսի սղագրական հաշվետվությունը և բանաձևները, Կոմիտեներին III կոնգրեսին

նոր տնտեսական քաղաքականութեան մասին իր տված
գերմաներեն ղեկուցումը և պարենհարկի մասին իր գրած
բրուշյուրը գերմաներեն:

1922 թվականի վերջին, երբ Վլադիմիր Իլյիչի գրադա-
րանը սկսել էր շատ աճել, ևս ճրան առաջարկեցի վերաց-
նել որոշ բաժիններ: Վլադիմիր Իլյիչը համաձայնեց և ինձ
հանձնարարեց խոսել Նադեժդա Կոնստանտինովնայի և
Մարիա Իլյինիչնայի հետ, թե նրանց ի՞նչ է հարկավոր թող-
նել:

Երջապատողների նկատմամբ Վլադիմիր Իլյիչի ունե-
ցած վերաբերմունքի մեջ մեծ սրտակցություն կար: Նա մեր՝
շարքային աշխատողներիս նկատմամբ շատ ուշադիր էր,
հոգատար, վգայուն: Նրա ղեկավարությամբ աշխատելը
հեշտ էր և հաճելի:



11/
A 3700

$$\frac{1}{2} \frac{d}{dt} \left(\frac{1}{2} \frac{d}{dt} \right)$$

Թարգմանիչ՝ Ս. Խաչատրյան
 Խմբագիր՝ Վ. Հաբուքյունյան
 Նկարիչ՝ Վ. Մանդակունի
 Յեղ. խմբագիր՝ Գ. Խուդիկյան
 Տեխ. խմբագիր՝ Ն. Ախլիբյան
 Վերստուգող սրբագրիչ՝ Լ. Մկրտչյան

Պատվեր 179:

Տիրաժ 3000:

Հանձնված է արտադրության 1/11—1960 թ.:

Ստորագրված է տպագրության 20/11—1960 թ.:

Թուղթ՝ $84 \times 108 \frac{1}{32}$, տպ. 1,0 մամ. = 0,82 պայմ. մամ., հրատ 0,5 մամ.:
 Գինը՝ 10 կ.:

ՀՍՍՌ Կուլտուրայի մինիստրության Հրատարակչությունների և պոլիգրաֆ
 արդյունաբերության Գլխավոր վարչության № 1 տպարան, Սրեան,
 Ալավերդյան փողոց, № 65:

ԳԱՆ Հիմնարար Գիտ. Գրա



FL0018259

1000 400



Luxington